

唐继尧轶事

唐繼堯軼事

目錄

出身歷史

受知蔡鍔

對待越南

東瀛買笑

開設公娼

嗜好聲色

臨陣善變

提倡文化

護國紀事

入川戰史

削平內寇

唐繼堯軼事目錄

西南護法

損失烟土

易將風潮

昆明出走

求助爛明

桂林遇寇

回滇復職

不受曹騙

附錄

部下人物

唐繼堯軼事

出身歷史

唐公繼堯字莫賡雲南會澤人幼而美丰姿狀貌若好女子年十九資送日本留學卒業士官學校歸充十九鎮屬管帶官風致翩翩偶策騎出幾看煞衛玠與蔡萼爲密交過從毋間昕夕故辛亥重陽反正未幾偏隊北伐卽畀繼堯爲總司令時貴州都督爲楊蓋誠頗引用歌老會匪全黔擾攘父老憂之適方督師出省而繼堯卒所部道經貴陽衆乃乞其先弭黔亂辭以事權不屬衆知卽推之爲都督於是下令以兵逆蓋誠楊部皆烏合反戰不利潰逃入湘繼堯不費一矢遂專領軍符時年方二十四也其行政治軍一秉蔡萼指揮議推萼爲雲貴都督以堅辭罷後萼辭職舉繼堯自代卽凱允之遂移雲南雖陽服從中央而與李烈鈞等接洽至密滇黔兩省軍官並易腹心異己者皆排除之以防反對者之所制也籌安會起初亦隨衆勸進封侯爵無何蔡萼密來滇說之討袁且動以攘川之利乃起護國軍蔡萼爲前軍司令卒兵攻蜀及事定萼乞病退代以羅佩金復任殷承幟爲川邊鎮守使勢力頗爲雄厚迄劉存厚逐羅佩金誅戴戡滇勢大絀雖屢次通電

將親統諸軍。爲戴羅復仇。而叙瀘迭敗。終不敢行。未幾。劉成勳以封賞不至。叛黔軍。倚熊克武爲內應。攻入重慶。勢遂復振。共推繼堯爲靖國聯軍總司令。號曰聯帥。滇軍中之顧葉等。將乃在重慶開軍事大會議。唐繼堯親自蒞會。從者至數千人。旌節羽旄。遮蔽天日。議成。歸昆明。人士羣起歡迎。奏凱旋之樂。滇人之喜可知也。然雲南乃貧脊之區。頻年以來。皆賴弛開烟禁。以籌餉項。若得富饒之川省爲其統轄。則安內攘外。逐鹿中原。匪唐氏之大志願哉。

受知蔡謨

蔡謨者。湖南寶慶人也。於宣統元年。應雲貴總督李經羲之召。任滇省新軍協統。兼練兵處等職。當時新軍人材有如鳳毛麟角。唐繼堯由日本士官學校畢業歸國。蔡謨保委以十九鎮管帶官之職。二人交誼日益親密。辛亥革命軍起。清吏盡逃。二人出任維持滇省秩序。分兵平定貴州土匪。後蔡謨被召入京。爲經界局總裁。所有軍民各政。俱交唐繼堯統轄。可見唐氏之功名。莫非蔡謨有以造成之也。

對待越南

雲南自有滇越鐵路後。軌道交通。行旅稱便。然法人對於我國。絕不以公理對待。如人頭稅。出入口身稅。紙等種種苛法。備極虐待。無不令我國人以難堪。更有甚者。於滇越車站上。設種種檢查。如人體亦須磅過。重量驗近日。力方得入口。唐氏以法人如此行爲。直視我國人民如牛馬之。不若倘不亟謀設法對付。則法人輕視我國更甚一日矣。唐氏卽於人口關卡亦設如是之法。以對付之。其法爲何。入關之處。安置大秤一把。凡法人及安南人入境者。必須縛而秤之。權過重量方得入口。法人聞報。卽求滇督取消秤法。改用洋磅。以免受縛束上秤之苦。唐氏答謂我國向無洋磅。凡屬權衡之制。俱皆用秤。權之所請。碍難照准。云云。後法政府卒求滇督願兩相取消。此例唐氏亦不爲己甚。卽令行河口督辦取消。噫。外人輕藐我國甚矣。苟國中人士能如滇省大吏之外交手腕。則外人又何敢輕我國哉。

東瀛買笑

唐繼堯留學東洋時。於課餘之後。每與二三儕輩好作狎邪遊。如李某。羅某等。皆爲同道中人。也。一日至東京市某番地。見一女子迎面而來。嫣然一笑。斜波媚眼。令人魄蕩魂消。

知爲某院之藝妓。遂入院訪之。妓笑迓相迎。奉以香茗。後絃歌弄罷。旋即開筵。酒肴精絕。藝妓五六輩。遞相侑觴。衆妓疊媚之。幾不知身之所在。後每逢暇日。必到藝妓院消遣。凡人遠處異地。客抱寂聊。而無家庭之樂趣。故哥台妓院買笑尋芳。以娛寂況。實在所多有。況東洋女子溫柔善媚。體態宜人。雖大家之閨秀。亦有以色身示人者。無怪唐氏之受色迷也。

開設公娼

女閭之設。始於管仲。至今數千里。年皆由樂籍中人踵相沿襲。而由政府官吏之所設置者。實屬少見。滇省自反正後。對於娼妓之污濁。便思大加改革。以絕其風。蓋當娼之女子。大都拐騙而來。及强行迫脅所至。若卽時將其禁絕。開設亦有所不能。是以滇省有公娼之開設。其例準民間之女子自行到所充當。而無強迫困禁等事。凡屬軍人政客。皆得入門求歡。餘外則取締之以防梅毒之傳染。斯時一般之淫娃蕩婦。充斥其間。所得纏頭。無不自矜其耀。間有操守不定之婦女。羨其金錢之易得也。亦願獻身其中。後滇中士紳聞之力請禁革。謂公娼之設。大壞風俗。若不速行禁設者。將來滇省之女界。無不盡爲娼妓。

云云。

嗜好聲色

人生少年得志。對於嬌妻美色。往往爲其所困。况尤物移人。便覺必爲之醉。魂爲之蕩。唐繼堯以年少英雄。風流倜儻。好色一門。實所難免。幾乎一夜不能無女人侍夕。雲南有某土司者。其女色麗過人。姿容艷絕。輕盈體態。膚滑如脂。比之西子楊妃。大有過之而無不及。繼堯聞而羨之。屢屢派人向土司致意。欲立爲妾。土司以屈於勢力之下。拒之不可。就之不能。於無可如何之中。向女兒處道出其事。詎其女一聞此。訊喜溢眉。稍蓋久聞唐繼堯綽約丰姿。有如衛玠少年。貌美若比潘安。得此郎君。亦復何憾。且爲都督貴官。轄有雲貴兩省。我家土司末秩。得爲姻眷。又何樂而不爲。土司遂卽向來使答覆。應允願兩家共諧秦晉之好。請唐氏如儀備禮迎娶云。

臨陣善變

兵不在多。而在精。將不在勇。而在謀。實古今論兵不易之理。唐繼堯爲日本士官學校之高才生。其戰畧兵法。實非常人可及。凡與敵人交綏。必僞敗而逃。踞山列陣。先遣少數軍。

隊以出。或十數人爲一隊。或數人爲一組。以牽制敵兵。或乘間埋伏。四出包圍。或潛派勁卒繞道包抄。使敵腹背受攻。首尾不能兼顧。然後以正兵攻之。故戰無不勝。攻無不克。可與古之孫吳互相比美。當反正之初。蔡鍔命其提兵入黔。以除楊蓋。誠盡誠。卒兵禦之以逸待勞。堅壘固守。唐繼堯不能取勝。不得不效法古人。背水爲戰。之陣。使各軍士死力戰。聞卒能取勝敵軍。未始非唐氏之智畧應變也。

提倡文化

雲南僻處邊陲。學風尙古。而唐繼堯雖屬軍人。惟教育事項。則提倡不遺餘力。近更聘請西洋之留學生爲教長。於近日新文化智識極力灌輸。計全省各學校不下千數百所。各校員生皆有特殊之學識。滇省文風遂益振發。蓋反正之初。軍事方殷。對於學務方面。未免稍爲懈惰。一因於經濟困難。萬分。二因於擾攘之中。學子離散。日夕練兵。講武擴充軍備。以平寇亂。而學務之不暇顧及者。實有所至理。今得承平之後。而無內顧之憂。故得將全省之學務。大加整頓。將來人才傑出。不可以限量也。

中日交涉事起。國勢愈殆。唐繼堯與克強協和。競存烈武。惕生隱青諸先生曾宣言改革宗旨。首在維持國家。願政府一意對外。乃交涉結果。喪權辱國。爲前此所無。彼當國之心。理益不可問。李君烈鈞遣人入滇。謁羅佩金。李曰。玆諸君密商唐繼堯君計劃一切。蓋滇自癸丑以後。雖力持鎮靜。然羅李及黃毓成趙復祥諸君對於大局。沉機觀變。與海外同志消息常通。且滇中秩序較整。軍實較充。且有唐君繼堯主持於上。而軍界重要人物。類皆與李君烈鈞同學之摯友。又曾共掌管教各職於雲南講武堂者也。

無何。籌安會發生。袁之陰謀暴露。人心大憤。鈕永建章士釗冷適章梓程潛程子楷陳強耿毅諸君內渡。追維余等數年中旅居東京有所經營。皆賴黃克強先生之協助。卽此行返國一切計畫。多由克強先生所指授。而同人旅費亦由克強先生出。迨抵上海。與諸同志會聯名派代表賁函往南洋。請岑西林先生歸主大計。而克強先生亦自美電促西林速出。願爲之助。蓋克強先生先後規畫。皆不欲自身出而任事。而屬望西林最切。今克強先生云亡。披其遺函。輒爲隕涕。當舉行國民代表選舉時。今副總統馮公密遣人至滬。由鄭君孝胥轉達。邀余等入南京。尋復中止。而唐繼堯羅佩金迭派親信至京滬偵察外情。

尋遇於上海均促歸滇籌畫於是與同志決定港滬爲策源地分途進行香港機關實爲西南五省之總樞林虎程子楷文羣楊永泰諸人遂集香港綜理其事而陳炯明鄒魯葉夏聲朱卓文徐勤朱執信鄧鏗諸人亦在港各立機關分營粵局上海方面則由谷鍾秀鈕永建冷適並陳其美許崇智諸人併力經營蓋自是西南方面略有頭緒矣

香港機關爲經營西南各方面而設尤以粵事爲最急其時同人皆海外潛歸艱窘萬狀經濟一端相顧束手時則騰越張君榮廷獨毀其家財以資設備各方面有所需用供給勿匱李君烈鈞自星加坡過歸會於香港首以軍儲爲慮張君立交現金四萬五百元裝爲四十箱運滇以充軍實張君在粵港間歷年商業之所蓄盡於是矣故此次西南方面有所憑藉得以發展皆非吾人之力而張君之力也至於癸丑以來奔走南洋各處使海外同志得與內地息息相通則曾君彥之力爲尤多云

李君烈鈞等旣入滇蔡君鐸亦至自日本鈕君永建林君虎已入桂李君烈鈞方君聲濤熊君克武已先後入滇策畫有緒蔡留二日卽行蔡君身陷虎穴卒能問道南旋仗義討賊其堅忍沉毅之概誠非常人所及今共和再造而蔡君積勞致疾以逝每一追念爲之

潛然時與蔡君同行者爲戴君戡殷君承獻及其如夫人蔡以十二月二十日抵雲南至則衆志已定遂於二十五日宣布獨立雲南之獨立純粹爲自動的蓋羅佩金黃毓成李日垓趙復祥鄧太中楊秦呂志伊李臨陽趙仲諸君等皆主持最力者而唐公繼堯實綜其成外間有傳說雲南獨立出於被動者殊與當日之事實不合斯時呂君志伊繆嘉君壽劉君雲峯均先後自滇來會而唐君繼堯以滇中同志已多人才足用而外間之事亟待担当且桂粵如不繼起滇必陷于孤立故一意奔走于港澳間也

先是岑西林先生以癸丑之敗走南洋寓英屬之檳城堅苦卓絕備歷艱困籌安會發生西林亟思歸國以生命與袁搏及克強先生電至遂首途至新嘉坡其公子德廣追請緩行西林謂事已至此不歸何待當以一死自誓尙何徘徊審顧遂於一月初旬抵香港與陸公榮廷互通消息并以函曉龍濟光張鳴岐響應龍弗納西林是時尙欲留港以待因港吏前曾有不淒上陸之宣告且偵探搜索極嚴不能久居又適負交涉上之重任遂同章君士釗張君耀曾周君善培王君侃東渡日本陸公效忠民國旣于袁氏稱帝反對最力曾遣參謀曾植銘入京密迎黎公南下又派雷殷赴日本迎岑西林回桂主持大計在

港則賴曾彥蒙經郭椿森諸君互通聲息。然袁之疑陸已達極點。密令王祖同監視行動。故陸於獨立之先。猶有懸五萬金購拿鈕林之舉。以遮掩時人耳目。迨梁任公先生至滬。乃囑楊君永泰代爲函促。公入邕。任公得函。遲未及發。嗣遣唐鑑慧赴南京徵馮意見。並遂任公。遂與湯叔黃羣吳貫因藍公武諸君來港。因港吏邏察嚴。匿舟中數日。自澳門偕楊永泰林虎文羣諸君往談商及元首問題。決定擁戴黎公湯君遂由港直入梧州。任公與黃君羣則於三月十二日乘日本煤船繞道安南入桂。未達海防。桂省已於三月十五日由陳炳焜譚浩明莫榮新宣布獨立。任公居海防。日人養羊山莊中病濕熱。幾死。先是龍觀光於二月初旬入桂沿途募達萬人。壓迫滇境。陸鎮靜如故。余與林楊文程諸君乃分函唐陸定三面包圍策陸亦適接西林函。未幾李君烈鈞所部張開儒方聲濤兩師與龍戰於剝隘。黃君毓成率隊自興義俯擊桂軍。陸裕光馬濟李祥祿諸將領躡其後。龍軍大創。失械六千。砲十二。降六七千人。餘衆散亡。略盡桂遂正式宣布獨立。陸知任公在海防。乃遣曾君彥於四月朔日迎之。由鎮南關入。迨抵南甯。陸卽約其赴粵。蓋是時廣東名義上雖已獨立。而龍濟光之無誠意。盡人皆知。且怨毒過深。各路民軍不因其獨立而

稍寬假。龍亦密加戒備。勢將破壞。譚學夔王廣齡二君深明內容。恐惟方糜爛。故不欲以兵力去龍。力主近岑陸梁來解決粵局也。

湯君勖徐君勤等與各統領各路民軍首領會議于海珠。乃會議之際忽生非常慘變。湯譚王三君皆被殺。群情憤激。皆致疑於龍。濟光時陸公已率隊至梧州。諸將士聞耗。皆欲致討於龍。會張鳴岐至。梧力白非龍意。始止。時西林偕溫宗堯章士釗楊永泰程子楷等至肇慶。陸與任公自亦自梧來。會討論處龍事。西林主張去龍。事小討袁。事大當先國家之急。而後地方。又謂龍之獨立如出於僞。則與袁之關係必未絕。操之過激。將取消獨立。回復奉袁之狀態。江西福建兩省之北兵必乘機而入。吾將何以應之。龍惡固在所必去。惟俟大問題解決後。再作處置。於是連電要求龍爲真正獨立之表示。龍亦殺蔡乃煌以自解。改稱護國軍。示絕於袁氏。大紛稍定。乃從事於軍事上之進行。兩廣將士一致戴西林爲兩廣都司令。并推任公爲都參謀。章君士釗長秘書。楊君永泰長財政。廳溫君宗堯長外交局。曾君彥長餉械局。陸軍編爲七師。三混成旅。海軍置江防司令部。其他復有將校團海軍團總病院等之設備。規畫略定。黎公繼任問題。既已確定。惟尙在袁勢力範圍。

之中未能躬親職務。故組織軍務院以爲對內對外統一機關。

軍務院所在地初議雲南。繼以廣東瀕海策應較易。僉謂廣東便會議出師計。劃於廣州。龍初允撥巡按使署爲辦公地點。繼復中變。而龍之部將胡令宣率兵狙伺。且欲甘心任公。於是遂不能不以肇慶爲軍務院所在地矣。軍務院既成立。撫軍長一職。陸梁力推西林。西林以唐君躬倡大義。勞苦功高。撫軍長非唐莫屬。倘必責己以事。甯爲副助之。於是。以撫軍同意。推唐爲長。而西林以副長攝行職權。出師計畫則分三路進行。一由雄韶假道於贛。以出武漢。以李君烈鈞。林君虎兩軍爲主力。肇軍李耀漢。桂軍莫榮新爲後援。一由潮汕假道於閩。以出長江下游。以方聲濤軍及潮軍莫擎宇分任之。桂督陸公率師援湘。時已起行。進迫前敵。再益以程君子楷軍。由粵出助。會趨武漢。再規北上作戰。計畫大略如是。所謂滇桂粵聯合軍是也。迨滇軍行抵韶州。袁氏自殂。黎公正位。大局已獲解決。北伐之師止韶待命。軍院亦旋撤廢。乃龍濟光以乃兄龍觀光剝隘之敗。對於滇軍疾首痛心。必圖報復。喉朱福全閉城撤渡。遏糴開砲。滇軍爲自衛計。遂有清遠源潭之役。粵中民情軍心一致憤發。一時清議群起。逐龍龍氏曾不悔過。乃益倒行逆施。復與桂軍挑戰。

於是桂軍方面復有佛山五眼橋三眼橋滇軍方面復有白雲山石井諸役廣東大局遂益陷於糾紛幸政府以陸代龍殘破之粵局猶得保全什一也

大局戡定西林亟思解甲歸田以遂初服籌謀收束日夕不遑所有各軍政民政機關分別咨來廣東軍民兩長官接受都司令部遂於十月四日結束

此次戰役其在運動時期之際險阻艱難固爲人想像所及然起事之初各派賢智莫不捐除意見相與提携悉泯前嫌共圖進取雖在千辛萬苦之際亦不勝其愉快竊謂中國前途頗具樂觀迨贊軍謀於肇慶其艱困乃什倍於前餉械兩端均屬無從措手至護國第二軍及各軍則皆決踵露肘饘粥不繼積欠餉糈數月未發士有菜色而無怨言購買日用之物論價余值從無妄取民間一草一木者閭閻無雞犬之驚士庶獲安甯之慶壺漿載道婦孺謳歌故謂此次戰役之成功由於人必之趨附者泰半而各軍長官之善得士心士卒之服從紀律尤爲余所欽佩不置則驅饑夫而使戰寧治軍者所忍爲至今不能無內疚於心也騰越李君仲德密謀屠龍爲龍所戕死事尤爲慘痛又以雲南講武堂而論從遊諸生死於此次川湘粵各役者如曹之驊吳傳聲等實二百餘人及今思之猶

有餘痛。

今幸共和恢復國基似有砥定之望。然伏莽孔多瘡痍滿目庫無宿帑民鮮蓋藏風雨飄搖靡知所屆竊謂當世名彥既不惜蠲除意見協助此次戰役之進行更宜堅推誠相與之心以收同德一心之效。惟默觀政局猶未免蕩搖不定之象。此則獨居深念所竊竊私慮者也。

當此國勢危難之際政治家之眼光當務其遠者大者。至於一己之私見個人之權利皆不宜置念。蓋羣彥既以救國爲前提決不能陷國家於杌隉不安之景象。試舉目四望刺刃磨牙環而伺我者幾何。國衣不蔽體食不果腹餓殍死於道路者幾何。人不於此時發奮圖存稍一蹉跎是燦爛之中華不亡于袁氏者反亡于今日不特不足以塞海內人民之望而此次起義殉國之先烈死而有靈執此以相詰責將何辭以對也。

雖然此次戰役所以能使帝制推翻共和復活者悉由邦人君子不分黨派不計利害併力進行有以致之故吾人此役實于政治上得有一最大之教訓。所望邦人君子勿忘前事羣策群力和衷共濟則所以平政局而利國家者其在是乎。